

UDK 63.631.9

**CHO'L-YAYLOV EROZIYASINI OLDINI OLİSH VA İQLİMNI  
MO'TADILLASHTIRISHDA YANTOQ O'SIMLIGINI AHMIYATI.**

Jumaev F.H

b.f.n., dotsent. Buxoro davlat universiteti.

**Annotation:** This article provides information on how the organization of seed production of the plant "Camel-thorn" in desert-pasture areas to preserve the climatic conditions of Bukhara from the scorching heat contributes to its reproduction. The ecological and biological features of the germination of "Camel-thorn" from seeds are revealed.

**Annatatsiya:** Ushbu maqolada Buxoro iqlim sharoitini jazirama issiqdan saqlash, iqlimni mo'tadillashtirish uchun cho'l-yaylov mintaqalarda yantoq o'simligini urug'chilagini tashkil etish uni ko'payishi haqida ma'lumotlar berilgan. Yantoqni urug'dan unib chiqishining ekologik-biologik xususiyatlari ochib berilgan.

**Kalit so'zlar:** iqlim, cho'l, yaylov, tabiiy sharoit, gemikriptofit, vegetativ, tosh urug', eroziya, to'qay, unuvchanlik, ko'payish, yantoqzor.

Mamlakatimizning Buxoro viloyati qishloq xo'jalik ekinlaridan yuqori va sifatli hosil olishda tashqi iqlimni ta'siri juda katta. Ayniqsa yoz oylarida may iyunda bug'doy pishishida haroratni keskin ko'tarilishi donni to'liq shakllanmay qotib qolishiga, iyul avgust oylarida jazirama issiqlik garm sel esa g'o'za o'simligini shona, gul va 10 kunlikgacha bo'lган ko'saklarni to'kilishiga sabab bo'ladi. Bunday holatni kuzatilishiga sabab dehqonchilik qilinadigan maydonlarga cho'l va yaylovlarini yashil qoplamini yo'q bo'lib ketishi tuproq va kumni qizib ketib umumiyo ob-havoni me'yordan ortiqcha bo'lishidandir.

So'ngi yillarda yer sharida havo haroratining ortishi cho'lli hududlar maydonini keskin tarzda ortib borishiga sabab bo'lmoqda. Cho'l hududlaridan esa yaylov sifatida keng ko'lamda foydalanilmoqda. O'zbekiston hududidagi cho'l yaylovlarining mahsul dorligi juda past, ya'ni 1 – 3 s/ga ni tashkil etadi. Bu esa cho'l yaylovlaridan yil davomida foydalanish imkoniyatini chegaralab qo'ymoqda.

Yuqoridagi muammolardan kelib chiqib madaniy hududlarda iqlimni mo'tadillashtirishning muhim yechimidan biri cho'l-yaylovlarida yashil qoplamni tashkil etishdan iborat. Buxoro cho'l-yaylovlarida yashil qoplamni hosil qilishda eng yaxshi o'simliklardan biri yantoqdir. Yantoq urug'idan va vegetativ ildiz bachkilari orqali ko'payish xususiyatiga ega. Ko'pchilik turlarning urug'idan ko'payishiga (generativ ko'payishiga) jinsiy organlarning hosil bo'lishidagi muhit ta'siri sabab bo'ladi. Gullarning otalanishiga, urug'larning pishiqligiga, ularning tabiiy holda unib chiqishiga va hokazolarga tashqi muhitning ta'siri bo'ladi. Ekologik faktorlarning ta'siri va boshqa sabablar natijasida ba'zi o'simliklar vegetativ ko'payish usuliga

moslashgan. Shunday o'simliklar sarasiga yantoq o'simligini misol qilib kiritish mumkin.

Yantoq o'simligi dukkakdoshlar oilasiga mansub bo'lib O'zbekistonda uning 4 turi uchraydi.(1-rasm). - \* Alhagi canescenc (Regel) B Keller Shap – kulrang yantoq - \* Alhagi kirghisorum Schrenk - qirg'iz yantog'i - \* Alhagi pseudalhagi (m.Bieb) Dasv.ex B. Keller Shap – soxta yantoq - \* Alhagi persarum Boiss – fors yantog'i. Yantoq hayotiy shakliga ko'ra o'tsimon, uzun ildizpoyali, tikanli, ko'p yillik, kuchli yog'ochlangan o'q ildizli va yer ustining asosigacha quriydigani (gemikriptofit) o'simlik hisoblanadi.

Yantoq turlari tabiiy sharoitda generativ organlarni yaxshi hosil qiladi, gullar hosil qilib, changlanib urug' hosil qiladi. Yantoq urug'inining unuvchanligi laborotoriya sharoitida (namlik 70-90 %, harorat 30-35 % bo'lganda) yaxshi unib chiqadi va unuvchanligi 40-60 %, ni tashkil qiladi. Skorofikatsiya qilish usuli bilan yantoq urug'inining unuvchanligini 95-98 % ga yetkazish mumkin. [1].



**Rasm-1. Tabiiy sharoitidagi yantoq.**

Bir qator olimlar yantoqni tabiiy sharoitda urug'idan unib chiqishini kuzatishgan. Jumladan M.N.Davletshina Nurota cho'llarida [1], A.D.Gushin Toshkent sharoitida yantoq urug'idan unib chiqishni aniqlay olishmaganligini ta'kidlaydi [2]. Tabiiy holda yantoq urug'i unuvchanligining 100 yilgacha saqlanishi mumkinligi isbotlangan [3], lekin 1977-1978 yillar X.Mavlanov tomonidan Xorazm viloyati Bog'ot tumanidagi Oqtom ko'li qirg'oqlarida yantoqning urug'idan o'nib chiqgan ko'plagan nihollari uchratilgan va kuzatilgan [4].


Yantoq urug'i toshsimon urug'lar qatoriga kiradi, u o'ta pishiq qobiq (po'st) bilan o'rالgan. Bu po'stning nam o'tkazuvchanligi o'ta yomon bo'lganligi uchun urug'dagi zigotaning unishi uchun kerakli bo'lgan namlik so'rilmaydi. U tabiatda urug'idan yomon unushi uning urug'inining anotomik va fiziologik tuzulishi bilan bog'liq. 1000 ta urug'ning og'irligi 5-6 gramni tashkil etadi. Suv miqdorining yetishmasligi urug'dagi zigotaning o'sib rivojlanishiga yo'l qo'ymaydi. Bu yerda irsiy xususiyatlarni ham inobatga olish kerak. Darhaqiqat yantoq kelib chiqishi bo'yicha to'qay o'simligi bo'lganligi sabab uning urug'inining unib chiqishi uchun katta miqdorda suv va shu davrning o'zida yuqori +35+40 gradus xarorat talab etiladi. Bunday sharoitni cho'l

(adir) xududida bir paytning o'zida (erta bahorda) topish qiyin, ya'ni namlik bahorda (mart oyida) yetarli bo'lishi mumkin lekin harorat past.

Yantoq urug'i qattiq toshsimon bo'lganligi uchun unuvchanligi uzoq muddat saqlanuvchi (giperunuvchan) hisoblanadi. Yoz oylarida harorat yetarli (yuqori) lekin namlik kam bo'lishi uning unishiga to'sqinlik qiladi. Yantoq o'simligining adir xududlarida normal unushi uchun ikkita ekologik omil suv va harorat yetarli (munosib) bo'lishi kerak. Aynan Buxoro sharoitida yoz oylarida sizot suvlarni ko'tarilishi yantoq urug'larini adoq yerlarda unib chiqish imkoniyatini oshiradi. Shuning uchun yantoq dukkanlarini yig'ib urug'ini tozalab olib ekish va yantoqzorlarni tashkil etish lozim rasm-2,3.



**Rasm-2. Yantoq mevasi (dukakki).**



**Rasm-3. Yantoq mevasini quritib olish.**

Ilmiy ma'lumotlarga qaraganda tabiatda yantoq 3-6 % gacha urug'idan ko'payish xususiyatiga ega ekan. Yuqoridagilardan ko'rinish turibdiki tabiatda yantoqning urug'idan ko'payishi ehtimoli juda kam. Lekin yantoqning urug'idan ko'payishi o'ta yomon bo'lishiga qaramasdan Markaziy Osiyo mamlakatlarida va xuddi shunday, yer sharining ko'pgina davlatlarida bu o'simlik keng tarqalgan. Ko'pchilik xududlarda juda katta maydonlarni egallaydi. Tabiiy sharoitda ko'chat qalinligi gektariga 2-3 ming tupdan 10 ming tupgacha bo'lishi mumkin. Yantoq turlari asal shira, efir moyi, vitamin, bo'yoq beradigan va shifobaxsh pereparatlar, alkagolsiz ichimliklar tayyorlashda zarur hom ashyo hisoblanadi. Undan tashqari yantoqdan oziq ovqat maqsadida, tuproqni azot bilan boyitishda, ko'chma qumlarni mustahkamlashda, tuproq nurashini oldini olishda keng foydalanish mumkin. Lekin yantoq qadimdan ham, hozir ham cho'l, yarim cho'l chorvasi uchun qimmatli yem-hashak, yaylov va yagona pichan beruvchi o'simlik hisoblanadi. Yantoqning yer osti qismi, uning yer usti qismiga nisbatan 10-20 marotaba uzun bo'ladi. Yer osti suvlari yaqin bo'lgan xududlarda, suv havzalari, kanallar buylarida uning ildizi 2-4 metrni tashkil etsa cho'l

va yarim cho'llarda 30-40 metrgacha yetishi mumkin. Vertikal ildiz singari yon gorizontal ildizlar ham kuchli tarmoqlab rivojlanib 40-50 metrga yetishi mumkin. Uning diametri yoshiga qarab 0,5 sm.dan 5 sm.gacha buladi. Yantoqning tabiatda keng tarqalishi va uning har xil tuproq (gips, qumloq, toshloq, sho'rxoq) va shundain noqulay iqlim (yuqori harorat) suv tanqisligi sharoitlarida uchrashi uning kuchli rivojlangan va hamisha yer osti suvlariga yetib boradigan ildiz tizimi bog'liq. Kelib chiqishi to'qay o'simligi bo'lganligi sabab uning suvga bo'lgan talabi ancha yuqori. Bir tup yantoq bir quyoshli kunda 2,5 litrgacha suv parlatishi mumkin, bir gektar maydondagi yantoq tuplari o'rtacha 350 tonnagacha yer osti suvlarini qabul qilib uni parlatishi mumkin. Yantoq o'simligini bu jihatlaridan foydalanib Buxoro yaylovlarida yantoqzorlarni tashkil etish orqali tevarak atrof ob-havosini iqlimini mo'tadillashtirish imkonini beradi. Bu esa madaniy hududlarga yaylov va cho'llardan issiq garmsellarni kelishini oldini olib boshqa qishloq xo'jalik ekinlardan yuqori hosil olish imkonini yaratadi [5]. Bundan tashqari yantoq tabiatda suv aylanishini yaxshilaydi va o'sayotgan xududining mikroiqlimiga ijobiy ta'sir ko'rsatib biologik xilma-xillikni saqlashda alohida e'tiborga egaligini inobatga olib yantoqzorlarni tashkil etish va urug'chiligin yo'lga qo'yish muhim ahamiyatga ega. Buxoro viloyati G'ijduvon tumani Quchchi massivida yantoqzorlardan o'rtacha bir metr kvadrat maydondan 20-30 gramm yantoq mevasi dukkaki terib olindi, bu uni urug'chiligini rivojlantirish uchun muhim ahamiyatga ega.

**ADABIYOTLAR:**

1. Гищин П.О. Биология юнтақа (Алхаги). Ташкент. САГУ. 1995.108с.
2. Давлетшина М.Н. Алхаги псевдальхаги – верблюжья кольчуга обыкновенная, юнтақ лошадь // Адаптация кормовых растений к условиям аридной зоны Узбекистана. Ташкент. 1983. Ст.219-234.
3. Мавланов X. О жизнеспособности семян юнтақа // Докл. АН УзССР. 1978. №-6. ст.51-52.
4. Мавланов X. Янтарники Узбекистана. Ташкент .Меннат. 1995.ст.167.
5. Jumaev F.H., Umarov K.- Buxoro viloyat dala dehqonchiligidagi ekologik muammolar va ularni bartaraf etishni ilmiy asoslari.// Qishloq xo'jaligida ekologik muammolar xalqaro ilmiy-amaliy anjuman materiallar i to'plami.-Buxoro, 2003 yil,121-122 b.